

# Powšitkowne WOZJEWJENJA

njedźelu, 14. junija 2020

## Wusyłanja Božich službow live

Serbskorěčne kemše tutu njedźelu Božeho ćěla, 14. junija, njemóža wěriwi přez Youtube z Kulowa scěhować, dokelž budu wone na sportnišću. Z Kulowa přenjesu jeničce nyšpor w 14 hodž.

Boža mša wusyla so tutu njedźelu znova přez livestream z Ralbic, ale jeničce za słuchanje. Linki k wusyłanjam su aktualnje pod [www.posol.de](http://www.posol.de) podate.

## Džělowe městno pola Katolskeho Posoła

Towarstwo Cyrila a Metoda z.t. pyta wot 1. decembra wosobu, kotraž by redakciski team zesylniła. Dotalna sobudželaćerka poda so kónc nowembra na wuměnk. Wuměnjnja za přistajenje su nimo wuznaća k wěrje a wučbje romsko-katolskeje cyrkwe wotzamknjene powołanske wukubłanje, jara dobre znajomosće serbskeje rěče, stawiznow a kultury, po móžnosći znajomosće rěče, stawiznow a kultury druhich słowjanskich krajow, znajomosće na polu žurnalizma, sadžby (Adobe InDesign), we wobdžělanju wobrazow (Adobe Photoshop) kaž tež zakładne znajomosće na polu katolskeje nabožiny respektiwne zwólniwosć, sej to w krótkim času přiswojić. Wukonjeć maja so tohorunja z pomocu kompjuterowych programow zarjadniske nadawki. Mzda płaći so po tarifowym zrěčenju za zjawnostnu službu (TVöD). Zajimcy měli so hač do wutory, 30. junija, pola Towarstwa Cyrila a Metoda z.t., Póstowe naměsto 2, 02625 Budyšin, abo na mailowu adresu [TCM@Posol.de](mailto:TCM@Posol.de) pisomnje wo městno požadać. Tam zhonja nadrobnosće.

## Tachantska pokładownja zaso wotewrjena

Wopyt Budyskeje tachantskeje pokładownje je zaso móžny. Hladajo na postajenje koronoweje pandemije pak je ličba runočasnje w rumnosćach přitomnych wosobow na pječ wobmjezowana. Wuwzaće tworja swójby z wjace hač tři džěćimi. Wodženja tuchwilu móžne njejsu, nošenje škita nosa a erta so doporuča. Pokładownja je wot pónđzele do pjatka wot 10 do 12 hodž. a wot 13 do 16 hodž. kaž tež přenju sobotu měsaca wot 10 do 15 hodž. wotewrjena.

## Putnikowanje z biskopom do Kevelaera

Pod hesłom „Sym tam, hdžež sy ty!“ přeprašuje Drježdžansko-Mišnjanske biskopstwo zajimowanych wěriwych na putnikowanje do Münsterskeho biskopstwa. Duchowny nawod změje wottam pochadźacy biskop Heinrich Timmerevers. Cil busoweje jězby wot štwórtka hač do njedzele, 27. do 30. awgusta, je marijanske putniske městno Kevelaer. Planowany je tohorunja wopyt biskopskeho města Münstera. W tutej diecezy je biskop Timmerevers 15 lět jako swjećacy biskop skutkował. Zajimcy njech přizjewja so pola ATeams-Reiseservice w Budyšinje na Seminarskej 2, telefonowe čisło (0 35 91) 53 18 53 abo z mailku pod [bautzen@ateams.de](mailto:bautzen@ateams.de). Tež dalše nadrobnosće tam zhonja.

## Wustajeńca wo jutrach w Serbach

Nałožki, kotrež so wokoło jutrow w Hornjej a Delnjej Łužicy, w katolskich kaž tež ewangelskich kónčinach pěstuja, předstaja wustajeńca „Jutry w Serbach“ w Budyskim Serbskim muzeju. Ju wobohaćeja twórby serbskeho wuměłca Marija Ošiki, na přikład „Křižowy puć“. Wosebita wustajeńca wostanje hač do 23. awgusta přistupna.